

Traditiones Wizenburgenses (Ed. Glöckner) Nr. 234

Venerabile in Christo patre Ratfrido abbati ego Samuhel donator. Et cogitans pro divini timoris intuitu vel pro remedium animi mei seu pro eterna retributionis premia conplacuit mihi animus, ut omni rem mea propria ad loca sanctorum condonari debirem, quod ita et feci. Ego donavi ad monasterio Wizenburgo in honore sanctorum apostolorum Petri et Pauli constructu donatumque in pcrpetuum esse volo, ubi Ratfridus presenti tempore esse videtur. Hoc est in villa Rimoni et in villa Teurino super fluvio Hisca, ubi basilica est in honore sancti Iorgii, qui ab auo meo Chramnoaldo constructa esse videtur, porcione mea; similiter dono in wilare Macchone super fluvio iam dictu Hisca, similiter et in Parssonevilla, et ibidem basilica in honore sancti Remedii constructa et de ipsa basilica porcione mea, seo et in Potenchaima vel quicquid mihi in iam supradictis locis genitur meus Chorccur moriens dereliquit mihi, vel ego eo tempore uisus fui tenuisse tam de alode paterna vel materna vel de comparato aut quamlibet contracta mihi ligibus obvinet, hoc est mansis edificiis mancipiis campis pratis pascuis silvis aquis aquarumque decursibus, sicut superius diximus, vel quicquid mihi pater meus Chroccus moriens dereliquit, ad integrum ad iam dicto monasterio Wizenburgo trado atque transfundo ad possidendum. Propterea tibi hanc epistulam donacionis fieri rogavi, ut ab hac die tu vel pars ipsius monasterio Wizenburgo iam supradicta rem in vestra recipiatis potestate, hoc est habendi tenendi vendendi commodandi vestrisque successoribus ad possidendum relinquendi, vel quicquid exinde elegeritis faciendi, liberam ac firmissimam in omnibus habeatis potestatem. Et si quis vero, quod fieri non credo, si ego ipse aut aliquis de heredibus meis aut coheredibus meis aut quislibet obposita persona, qui contra hanc cartulam donationis venire aut agere temtaverit, et eam inrumpere voluerit inferat tibi vel ad partem ipsius monasterii sociante fisco auri libram unam, argente pondus VI coactus exsolvat et hoc quo repetit nullatenus valeat evindicare. Et hec presens epistola donacionis firm et inviolata permaneat, stipulacione subnixa. Actum puplice in monasterio Wizenburgo sub die IIII kalendas iulias, anno II regni domni nostri Dagaberti rege. Ego Samvel hunc testamentum manum facta relegi et subscripsi. Testes: Benedictus. Gramgiso. Ermenbertus. Chraduinus. Chrodoinus. Bonefacio. Ego Raccharius hacsı indignus diaconus rogitus scripsi.